



Lle Gwag ar gyfer Rhiant-lywodraethwr yn Ysgol Gymraeg Bro Ogwr - Hydref 2021

Pa rôl sydd gan Gorff Llywodraethu?

Mae Corff Llywodraethu ein hysgol yn cynnwys Llywodraethwyr sy'n bobl o bob math a hwythau'n dod o amrywiaeth o wahanol gefndiroedd ac yn meddu ar ystod o wahanol sgiliau a phrofiadau. Mae'r Corff Llywodraethu'n darparu arweinyddiaeth ac atebolrwydd strategol. Mae'n goruchwyllo perfformiad ac atebolrwydd ariannol yr ysgol, yn pennu targedau ar gyfer codi safonau cyflawniad addysgol, yn monitro cynnydd, yn cefnogi ac yn herio perfformiad, yn trafod polisi a chynlluniau datblygu ar gyfer y dyfodol ac yn arwain o ran rheolaeth strategol ar safle'r ysgol. Nid yw'n goruchwyllo'r addysg y mae dysgwyr yn ei chael. Fel y cyflogwr, y Corff Llywodraethu sy'n recriwtio ac yn penodi'r holl aelodau o staff sy'n gweithio'n uniongyrchol i'r ysgol. Mae llywodraethwyr i gyd yn wirfoddolwyr sy'n gweithio gyda'i gilydd er budd yr ysgol a hwy yw'r ddolen gyswllt rhwng Bro Ogwr a'r gymuned y mae'n ei gwasanaethu. Fel ynadon neu aelodau o reithgor, mae gan lywodraethwyr ysgol hawl i amser rhesymol o'r gwaith i gyflawni eu dyletswyddau cyhoeddus, er y gall hyn fod yn ddi-dâl a'i fod yn amodol ar bolisiau Adnoddau Dynol unigol.

Mae eich eisiau chi arnom!

Y tymor hwn rydym yn hysbysebu lle gwag ar gyfer Rhiant-lywodraethwr a byddem wrth ein bodd i glywed oddi wrth unrhyw un sydd â diddordeb ym mherfformiad yr ysgol, y gallu i fwrw golwg wrthrychol ar faterion, profiad o weithio'n dda gydag eraill, yr hyder i ofyn cwestiynau ac ymuno yn y drafodaeth a pharodrwydd i wrando a ffurfio barnau gwybodus. Cynhelir cyfarfodydd y Corff Llywodraethu llawn yn dymhorol ar ddydd Llun o 4:30pm-6:15pm. Yn ogystal â mynychu cyfarfodydd llawn, gofynnir i lywodraethwyr fwrw golwg fanylach hefyd ar feysydd penodol sy'n rhan o waith yr ysgol a gellir gofyn i bob llywodraethwr ymuno ag is-bwyllgor a rhannu cyfrifoldeb am faes penodol fel llywodraethwr cyswllt. Unwaith y bydd cyfyngiadau Covid-19 yn cael eu codi, gall rhai cyfarfodydd a digwyddiadau gael eu cynnal yn yr ysgol yn ystod y diwrnod ysgol arferol, er y bydd hyn yn cael ei drefnu gan ystyried argaeledd llywodraethwyr. Rhaid bod gan riant-lywodraethwyr blentyn neu blant yn mynychu'r ysgol ar adeg eu penodiad a dylent fod yn credu'n gryf yn y gymuned cyfrwng Cymraeg a bod ag ymrwymiad cryf iddi. Mae cyfnodau rhiant-lywodraethwyr yn y rôl yn rhychwantu 4 blynedd, ac wedi hynny byddai'n ofynnol i'r rhiant naill ai gamu i lawr neu gynnig ei (h)enw drachefn i gael ei (h)ail-ethol. Mae disgwyl i'r holl lywodraethwyr ddilyn y Cod Ymddygiad bob amser.

Beth allwn ni ei gynnig?

Rydym yn cynnig y cyfle i weithio gyda chymuned ein hysgol i sicrhau'r amgylchedd gorau posibl ar gyfer ein dysgwyr, ymdeimlad o gyflawniad trwy wneud gwahaniaeth a chyfle i ddatblygu neu gryfhau sgiliau rheoli strategol. Mae'n ofynnol i lywodraethwyr gwblhau hyfforddiant sefydlu ac ymwybyddiaeth gorfodol a chynigir cymorth DPP a mentora parhaus i helpu i adeiladu ar sgiliau presennol neu i ddatblygu rhai newydd. Mae croeso i ymgeiswyr a chanddynt ddiddordeb gysylltu â'r ysgol i gael rhagor o wybodaeth a/neu sgwrs anffurfiol am y rôl, cyn cyflwyno cais.

Sut i gyflwyno cais

Os hoffech gael eich ystyried ar gyfer eich ethol cyflwynwch yr wybodaeth ganlynol i'r ysgol erbyn **canol dydd ar ddydd Gwener 22 Hydref 2021** os gwelwch yn dda:

1. Eich Enw, Cyfeiriad, Cyfeiriad E-bost a Rhif Ffôn
2. Enw a Dosbarth Eich Plentyn
3. Datganiad byr **nad yw'n fwy na 100 o eiriau** a fydd yn cael ei gynnwys ar y ffurflen bleidleisio, os byddwn yn cael mwy o ddatganiadau o ddiddordeb nag sydd o leoedd ar gael ar y Corff Llywodraethu. Os mai felly y bydd hi, bydd CBS Pen-y-bont ar Ogwr yn trefnu etholiad ymhlith y rhieni pan fydd y cyfyngiadau'n caniatáu. Sylwer, os byddwch yn mynd y tu hwnt i'r terfyn geiriau, mai dim ond y 100 o eiriau cyntaf fydd yn cael eu cynnwys ar y ffurflen. Bydd datganiadau'n cael eu cyfieithu i'r Gymraeg/Saesneg yn ôl y gofyn. Rhowch eich llofnod a'r dyddiad ar yr wybodaeth a anfonir gennych i'r ysgol os gwelwch yn dda.

Edrychwn ymlaen at glywed oddi wrthyhch!

Nik Dart, Cadeirydd y Llywodraethwyr